

አብዱዩ ቲንቢቲ ጊደ ቆፋ

ሃይሲ ጉላ ማጸፋዚ ቤተዳይ ከርሰቶሲ ዬሌታናፔ ካሴ 586 ላይሳን ዩሩሳላሜይ ላሌቲዳፔ ጉዬ ቆንጨን ኤሬቶንታ ዋዴና። ሄ ዋዴ ኣርሼይ ሞኪዛ ዱጌሃ ባጋራ ዲዛ ዩሁዳሰ አዲሳ ዋዴሶፊ ሞርኬ ጊዲዳ ኤዶሜ አሳይ ዩሩሳላሜ ላሌቲላን ኡፋዬቲዲ ቢታ ኦሊ ኦይኪዛይታ ማዲሼ ካታማይ ሃሮ ኡባ ቦንቄሰ፤ አብዱዩይ ኤዶሜ አሳ፡ ሃንኮ ኢሰራኤሌ ሞርኬታራ ኢሲ ቦላ ሚኖ ቁጻቴይኔ ጸኔቴሊ ጋካናይሳ ካሴቲ ዮቲዴሰ።

ሃ ማጸፋይ ኦይኪዳ ኩሜሳ ቆፋ

ኤዶሜ ኦቶሬቴሊኔ ቁጻቴ 1-9

ኤዶሜ ሜንጼ ኢታቴሰ 10-14

ኢሰራኤሌ ጾኖ 15-21

ናቤ አብዱዩይ ቤኢዳ አጂታ

1 አብዱዩይ ቤኢዳ አጂታ፤

ጎዳይ ኤዶሜ ጊሻሰ

አብዱዩ ከቲዴሰ፤

ኑ ሲዬዳ ጸሳ ከታይ፡

«ታኒ ጸሳይ ኤዶሜ ቦላ

ሜቶ ጋላና ማላ አዛዛዳ

ዴራ ጊደ አሰ ከታዲሰ» ጌሰ።

2 ጎዳይ ኤዶሜሰ፡

«ታ ኔና ዴሬ አሳፔ ላፊሳና፤

ኔኒ አሰ ኡባን

ሌቄቲዳዝ ጊዳና።

3 ኔና ዛላ ጎሞፓን ዲዛይሶ!

ኔ ዲሳሶ ጶቃሶሆን

ኬጺዳይሶ!

«ታ ዲዛሶፔ ታና ዚቃሶ

ዋላና ዳንዲይዛይ ኦኔ?»

ጊዛይሶ!

ኔ ዋዚና ኦቶሮቴሊ

ኔና ባሌሊዴሰ።

4 ኔ ጎሌ ካፎ ማላ

ኬሃ ፑዴ ፒራጲኮካ፥
ኔ ኬላ ጸለንቲ ጊዶን
ኬዲኮካ
ታ ኔና ሄፔ
ሃ ዱጌ ዋላና።

5 «ካይሶቲ ዋይኮ ቦንቁዛይቲ
እማርሰ ጸኮ
ባሰ ጊዲዛይሳ ኤኬቴሰ፤
ካላ ማዲዛይቲ ፒጼ አሼቴሰ፤
ጊዶ አቲን ኔ ሞርኬቲ
ኢሲኖካ አሼቴና። *

6 ኢንቴኖ ኤሳዌ ዜሬላቶ!
ኢንቴ ኬላ ቦንቁቲዴሰ፤
ሄኮ ኢንቴ ሃርይ ዉሪ
ቦጌቲዴሰ።

7 ኔናራ ጫቁቲዳ ላጌቲ
ኔና ባሌሊዳ፤
ኔና ዶሲዛ ላጌቲ
ኔ ቦላ ሞርኬቴላን ዴንዲዳ፤
ኔ ካላ ሚዳይቲ ኔሰ ያርዴ
ዋሊዲ ኔና
ኔ ዴሬፔ ጎዲዳ፤
ጊዶ አቲን ኢሰቲ ሄሳ ኔ ቦላ
ኦሊሺን ኔኒ ኤራቤካ።

8 «ሄ ዋዴ ኤዶሜፔ
አቶ ኤራንቻታ፥
ኤሳዌ ዙማፔ
ኤራቴላ ጳይሳና።

9 ኤዶሜ ዴሬን ዴኢዛ
አሳቲ ዉሪካ ሃይቃና፤
ቴማኔ ኦሊዛ ዋልቃማ
ኦላንቻቲ ባባና።

ጸሳይ ኤዶሜ ቃጸዪዛ ጋሶ

10 «ኔ ኢሻ ያቆቤ ዜሬላታ

* 1:5 ፒጼ፡ ፒጼ ጌቲቲዛይሰ ኣማራላ ቃላን ቃርሚያ ጌቲቴሰ።

- ኔኒ ጌኔ ዋዲዳ ገሻሰ
ኔ ካዉያዳ ሜርናሰ ሓያና።
- 11 ዬሩሳላሜ ሞርኬቲ
ፔንጌ ሜንሊዲ
ሃሪዳ ሚሽ ኡባ
ቦንቂዛ ዋዴ
ኔኒ ላንቄራ ኤቃ ዪላዳሳ፤
ሄሳ ገሻሰ ዬሩሳላሜ ቦላ
ሳማ ዬጊ ጊሼቲ
ኤኪዳይታፔ
ኔኒ ዲማታካ።
- 12 ዩሁዳ ዴሬን ዴኢዛ ኢሻታ ቦላ
ጋኪዳ ሜቶን ኔኒ ኡፋዬታና
ኮሼናሺን ኡፋዬታዳሳ፤
ቃሴ ኢሰታ ሓዮኒኔ ሜቶን
ኡፋዬታና ኡቶሬታና
ኔሰ ቤሴናሺን ኡቶሬታዳሳ።
- 13 ታ ዴሬይ ሓይዛ ጋላሰ
ኢሰታ ፔንጌራ
ኔኒ ጌላና ቤሴናሺን፤
ኢሰቲ ሓይዛ ጋላሰ ሜቶቲሺን
ኔኒ ኡፋዬታና ቤሴናሺን፤
ቃሴካ ኢሰቲ ሓይዛ ጋላሰ
ኔ ኢሰታ ሃሮ
ቦጋና ኔሰ ቤሴናሺን።
- 14 ጎዴቲዲ ቆቴቲዳይታ ዋዳና
ኔ ኦይዲ ኦጌ ቦላ
ናጋና ቤሴናሺን ናጋዳሳ፤
ቃሴ ኣቲዳ ኣሳታ
ሜቶ ጋላሰ ኔ ኣፋ
ኢማናሰ ቤሴናሺን
ኢማዳሳ።
- 15 «ታ ጸሳይ ኣሳ ኡባ ቦላ
ፒርዲዛ ዋዴይ ጋኪዳ ገሻሰ

1:14 ኢሳ 34:5-17፤ 63:1-6፤ ኤር 49:7-22፤ ሂዚ 25:12-14፤ 35:1-15፤ ኣሞ
1:11-12፤ ሚል 1:2-5

ኤደሜ! ኔ ኦሊዳ
ኢታ ኦሶይ
ኔ ቦላ ሲማና፤
ሄሳ ገሻሰ ኔ ኦሶ ማላ
ኔ ኤካና።

- 16 አንጃቲዳ ታ ዙማ ቦላ
ኢንቴ ዋዬ ኡሹ ኡዱዳ ማላ
ኢንቴ ዩሽን ዲዛ ሃንኮ ዳሬይ
ዋዬ ኡሹ ኡያና፤
ኡዱዳይቲ ዉሪካ ጳያና።

ኢሰራኤል ዳሬ ጸኖ

- 17 «ጲዮኔ ዙማን ሜቶፔ
ኣታናይ ዳና፤
ሄ ዙማያካ ጌሽ ጊዳና፤
ያቆቤ ዳሬይ ቦንቄቲዳ
ባ ሃሮ ዛሪ ኤካና።

- 18 ያቆቤ ዜሬላቲ ታማ ማላ፥
ዮሴፌ ዜሬላቲ
ታማ ላጮ ማላ ጊዲን
ኤሳዌ ዜሬላቲ
ኡቱላ ማላ ጊዳና፤
ታማይ ኡቱላ ሚዛ ማላ
ያቆቤ ዜሬላቲኔ
ዮሴፌ ዜሬላቲ
ኤሳዌ ዜሬላታ ጳይሳና።

- 19 «ዩሁዳ ዳሬፔ
ዲጌሃ ባጋራ ዲዛ
ኔጌቤ ኣሳይ ኤደሜ
ቢታ ላታና፤
ኣርሼይ ዉሊዛ ባጋራ
ጋታን ዲዛ ኣሳቲ
ፊሊስጶሜ፥ ኤፍሬሜኔ
ሳማሪያ ቢታ ላታና፤
ቃሴ ቢኒያሜ ዜሬላቲ
ጋላኣዴ ቢታ ላታና።

- 20 ቤቲ ቢዳ ኢሰራኤል ኣሳይ
ኣላሄ ጌቲቲዛ

ዳሬፔ ሲሚዲ
 ካናኔ ቢታፌ
 ሲራፍታ ጋካናሰ
 ዲዛ ቢታ ላታና፤
 ቤቱ ቢዲ
 ሲራፍታ ዳሬን ዲዛ
 ኢሰራኤል አሳይ
 ኔጌቤን ዲዛ ካታማታ ላታና።
 21 አቲዳ ኢሰራኤል አሳቲ
 ጸዮኔ ዙማ ቦላ ኡቲዲ
 ኤደሜ ዳሬ አይሳና፤
 ቃሴ ካዎቴላይካ
 ጸሳሰ ጊዳና» ጊ ዮቲዴሰ።

ጌሻ ማጸፋ

Gamo: ጌሻ ማጸፋ Bible of Ethiopia, Ethiopic script

copyright © 2024 The Word for the World International

Language: Gamotso (Gamo)

Contributor: The Word for the World Northern Africa

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-03

PDF generated using Haiola and XeLaTeX on 2 May 2025 from source files dated 3 May 2025

d0ee6825-f93e-584e-8c8f-567d8d068e4b